

إلى روح الأبنودي

"لون الحداد"

أقلعي الأحمر يا حلوة

والبسي لون الحداد

أنسي أي غنوة حلوة

واحضني لون السواد

مين هيغازل فيكي تاني

مين هيزرع فيكي فرح

أنسي طعم الأغاني

حزنك مرسوم ألف سطر

جوة مني حزن راسم

ألف دمة بتبكي فيا

وسط أهلي وسط ناسي

لسه ودي مشتبهة



لصوت كامنجة متحنية
تعزف صوتك الحزين
خط الدموع عارف طريقه
مقفولة أُناتي جوة أوضة
غرقت دموعي ف بحر مية
كل روعي كانت تدوخ
لما توصف الصبية
تدوب مشاعري ف ناي مشروخ
لما ترسم مصر البهية
عددي يا معددة بحرقة
وقولي كان جبل
النهاردة الفجر ماتت
كل قمحة ف السبل
الليلة روح قول الطيور
مافيش غنا

وكل العصافير هتموت
الليلة بتنوح قنا
أرض الصعيد غربت
عنها شمس الصبا
ومافيش غير الحروف
حتى الحروف متوجعة
روح حبيبي وخذ معاه
أصل الغنى
مع السلامة يا عبد الرحمن
بعذك خلاص ما فيش هنا